

Հայոց լեզվի և գրականության ուսուցիչների
վերապատրաստման դասընթաց

Ավարտական հետազոտական աշխատանք

Թեմա՝ Արժեքային համակարգի ձևավորումը «Մայրենի»,
«Գրականություն» և «Հայ գրականություն» առարկաների դասավանդման
ընթացքում

Կատարող՝ Սուսաննա Հովսեփյան

Դպրոց՝ Հովհ. Շիրազի անվան հ. 169 հիմնական դպրոց

Առարկա՝ հայոց լեզու և գրականություն

Կազմակերպություն՝ «Երևանի Լեոյի անվան հ.65 ավագ դպրոց»

ՊՈԱԿ

Խմբի պատասխանատու՝ Անահիտ Զոհրաբյան

Երևան 2023

Բովանդակություն

Ներածություն-----	2
Արժեքային համակարգի ձևավորումը որպես արդի մանկավարժության կարևոր պահանջ-----	4
Սովորողի արժեհամակարգի վրա ազդող գործոնները-----	5
Արժեքային համակարգի ձևավորումը առարկայի դասավանդման ընթացքում-----	6
Եզրակացություն-----	14
Օգտագործված գրականություն-----	16

Ներածություն

Արդի մակավարժության կարևոր պահանջներից է սովորողների արժեքային համակարգի ձևավորումը:

«Արժեհամակարգ» հասկացությունը մանկավարժական գիտության մեջ ըմբռնվում է բավական լայն շառավղով: Առավել ընդունված է այն ընկալումը, որ արժեհամակարգը մարդու բարոյական, գեղագիտական, հոգևոր, իմացական, մշակութային և էթնիկական արժեքների համախումբն է, որն անհրաժեշտ է անձի ներդաշնակ, բազմակողմանի ձևավորման և զարգացման համար: Արժեհամակարգը լիակատար է և համեմատաբար ավարտուն բոլոր ներառված համախմբերի ներդաշնակ փոխլրացման պայմաններում¹:

Արժեհամակարգի մեջ կուտակված է անցյալի փորձը, որի յուրացումը աշակերտների մեջ ձևավորում է հայրենասիրության, սեփական ժողովրդի պատմության, նրա ստեղծած մշակութային արժեքների, գիտական նվաճումների համար հպարտության զգացում: Իսկ ակտիվ ճանաչողական գործունեության պայմաններում ձևավորված գիտելիքները աշակերտների մոտ վերածվում են համոզմունքների և կարողությունների: Այսօր աճող սերնդի դաստիարակության գործն ընթանում է տարբեր հանգամանքների ազդեցության ներքո՝ ժողովրդագրական, ազգային, մշակութային, ընտանեկան, կրթական, հասարակական, սոցիալական և այլն: Հաշվի առնելով բազմաթիվ այս և այլ հանգամանքներ՝ ժամանակակից մանկավարժության համար խնդիր է դառնում սովորողների ազգային գիտակցության ձևավորումը սեփական ժողովրդի պատմության ու մշակույթի հենքի վրա՝ չանտեսելով համամարդկային արժեքները: Կրելով վերոնշյալ և այլ հանգամանքների ներգործությունը, ընտրությամբ յուրացնելով դրանց ազդեցությունը՝ աշակերտը հաղորդակցվում է հասարակական մշակույթին և ձևավորվում իբրև ստեղծագործող անհատականություն:

1.Ա. Գևորգյան, Ազգային կրթության դերն ու նշանակությունը սովորողների հայեցի դաստիարակության գործընթացում, Եր., 2002, էջ 65:

Հայաստանում արժեքային համակարգի ձևավորումը ներառված է ՀՀ պետական չափորոշում՝ որպես կրթության բովանդակային բաղադրիչ (զիտելիք, հմտություններ, արժեքային համակարգ, դիրքորոշում):

Նոր սերնդի արժեհամակարգի ձևավորման , կրթության և դաստիարակության գործում լուրջ անելիքներ ունի դպրոցը, որի գերնպատակն է կերտել բարոյական, ազգային արժեքներով օժտված, ազգային նկարագիր ունեցող սերունդ: Այս գործում ուսումնական բոլոր առարկաներն էլ կարևոր են, սակայն անփոխարինելի է «Մայրենի», «Գրականություն» և «Հայ գրականություն» առարկաների դերը:

Աշխատանքի նպատակն է բացահայտել աշակերտների արժեքային համակարգի ձևավորման հիմնական առանձնահատկությունները մայրենիի և գրականության դասերին, ցույց տալ օրինակներով , անդրադառնալ արժեհամակարգի վրա ազդող գործոններին: Ուսուցանվող թեմաների միջոցով ձևավորել ճիշտ արժեքային համակարգ :

Արժեհամակարգի ձևավորումը որպես արդի մանկավարժության կարևոր պահանջ

Որքան ավելի շատ սեր, իմաստություն,
գեղեցկություն, բարություն թաքցնեք ձեր մեջ,
այնքան ավելի շատ կնկատեք դրանք
շրջապատող աշխարհում:

Մայր Թերեզա

Ժամանակակից հասարակությունն արմատական փոփոխությունների մի բարդ շրջան է անցնում: Դա անմիջականորեն ազդում է երիտասարդ սերնդի մտածելակերպի, գործելակերպի, հոգեբանության և արժեքային կողմնորոշումների վրա: Նա այդ գործընթացների մասնակիցն է, այդ արժեքների ժառանգորդն ու կրողը: Նրա առջև ծառանում է նոր ժամանակի պահանջներին համապատասխան վերափոխվելու, կարողությունները զարգացնելու և իրացնելու խնդիրը: Ներկայումս կրթությունը վերաճել է մի գործոնի, որը նպաստում է հասարակության մեջ մարդու դերի առավել արժևորմանը՝ զարգացնելով համակեցության, հանդուրժողականության, համագործակցության և արժեքային անհրաժեշտ որակներ:

Երեխաների արժեքային համակարգի ձևավորումը արդի մանկավարժության կարևոր պահանջներից է: Ինչպես արդեն նշեցինք, Հայաստանում արժեքային համակարգի ձևավորումը ներառված է ՀՀ պետական չափորոշչում՝ որպես կրթության բովանդակային բաղադրիչ:

Ազգի հիմքը կրթությունն է, և ցանկացած լավ, բարի ու արժեքավոր բան հենց կրթության միջոցով է, որ փոխանցվում է մարդկանց, տարածվում հասարակության մեջ, դաստիարակում մատաղ սերնդին:

Կրթության նպատակը ոչ միայն անհատին գիտելիքներով զինելն է, այլ նրա մեջ որոշակի բարոյական հատկանիշներ ձևավորելը: Յուրաքանչյուր ուսուցիչ ունի առաքելություն, այն է՝ կրթել և դաստիարակել հայրենիքին և պետությանը արժանի, պատվախնդիր, բարոյական, ազգային և ավանդական արժեքները բարձր պահող անհատներ:

Արդի հասարակության համար կարևորագույն խնդիրներից է բարոյական, ազգային-հասարակական նորմերի ճիշտ արժևորումը, ազգային դիմագծի պահպանումը, նոր սերունդների մեջ այդ նորմերի ամրակայումը և դաստիարակության գործում դրանց կիրառումը:

Գաղտնիք չէ, որ այսօր սովորողների արժեքային համակարգի ձևավորումը ուղղակիորեն կապված է հասարակության մեջ տեղի ունեցող բազմաթիվ փոփոխություններով: 21-րդ դարում նոր տեխնոլոգիաները, ծրագրերը, կրթական համակարգում տեղի ունեցող փոփոխությունները թելադրում են նորովի մոտեցում յուրաքանչյուր աշակերտի: Մերօրյա իրականությունը թելադրում է հայ սերնդին առավել քան երբեք զինել գիտելիքով և հայրենասիրությամբ մեր թուլացած պետականության հիմքերը ամրապնդելու համար:

Սովորողի արժեհամակարգի վրա ազդող գործոնները

Աշակերտները, իրենց տարիքային, սեռական և անհատական առանձնահատկություններին համապատասխան, հակված են նույնացնել իրենց այս կամ այն հերոսի հետ՝ յուրացնելով նրանց վարքի ձևերը, ապրելակերպը, հագուստը, ոճը և այլն:

Աշակերտների արժեհամակարգի վրա ազդող գործոններից են ավանդական միջոցները, սակայն այդ միջոցների յուրացումը լինում է չգիտակցված՝ վարքի ընդունված կաղապարներն ընդօրինակելու միջոցով: Այս առումով իրավացի է Մ. Մոնտենը. «...Մենք որքան ասես կարող ենք պնդել մերը, սակայն սովորույթն ու համընդհանուր կանոնները մեզ քարշ են տալիս իրենց ետևից»²:

Աշակերտների արժեհամակարգի ձևավորման մյուս գործոնը տարիքայինն է, երբ սովորողի արժեքային կողմնորոշումը, արժեքային նախապատվությունը, վարքն ու բարոյահոգեբանական գծերը դրսևորվում են ըստ տարիքային

առանձնահատկությունների: Տարիքային դաստիարակությանը բնորոշ են հակումը դեպի մշակույթի որոշակի շերտերը, կենցաղին բնորոշ արժեքների որոշակի աստիճանակարգությունը:

Մյուս գործոնը միջանձնային հարաբերություններն են կամ իրենց համար հեղինակավոր, երևելի մարդկանց հետ շփումները: Աշակերտները նրանցից կարող են ստանալ արժեքների վերաբերյալ ինչպես դրական, այնպես էլ բացասական մոդելներ: Ի դեպ, բացասական մոդելները հակում ունեն ձևավորվելու ավելի արագ և բացասական ազդեցություն ունենալ սովորողի անձի արժեքային ճիշտ դաստիարակության վրա: Ուստի պահանջվում է մանկավարժական խստագույն վերահսկողություն:

Արժեքային համակարգի ձևավորումը առարկայի դասավանդման ընթացքում

Ոչ մի պաշտոն կամ կոչում չկա, որ հավասար լինի և կարելի լինի համեմատել մարդ կոչման հետ:

Հովհ. Թումանյան

Սովորողների արժեհամակարգի ձևավորման գործում կարևոր դեր և նշանակություն ունեն բոլոր ուսումնական առարկաները, սակայն չափազանց մեծ է հատկապես հումանիտար առարկաների, մասնավորապես լեզվի և գրականության դերը:

Գրականության ուսումնասիրությունը սովորողի բառապաշարի հարստացման, պատկերավոր մտածողության, երևակայության ու ստեղծագործական կարողությունների զարգացմանը և գրական ճաշակի ձևավորմանը զուգընթաց աշխարհաճանաչողության, ինքնաճանաչման, ինքնագնահատման արդյունավետ

միջոց է և մեծապես նպաստում է բարձր բարոյական գծերի՝ հայրենասիրության, քաղաքացիական պատասխանատվության, մարդասիրության, կարեկցանքի ու հանդուրժողականության, ընկերասիրության և սոցիալ-հոգեբանական այլ արժեքների արմատավորմանը:

Հայ գրականությունը բովանդակում է դաստիարակչական վիթխարի ներուժ՝ աճող սերնդի համար հանդիսանալով հայրենասիրության, անձնուրաց պայքարի և ազգային արժանապատվության ապացույցների անսպառ աղբյուր:

Յուրաքանչյուր դասի ժամանակ ուսուցիչը որոշակի դաստիարակչական խնդիրներ է լուծում՝ հաշվի առնելով տվյալ առարկայի և թեմայի ուսումնասիրման հիմնական խնդիրները, որոնք ներկայացված են առարկայական ծրագրերում:

Ուսուցիչը ուսուցման կազմակերպման տարբեր ձևերի ընտրության միջոցով /անհատական, խմբային, էքսկուրսիա, դասողեկական ժամ, արտադասարանական միջոցառումներ/ առավել արդյունավետ է դարձնում աշակերտների արժեհամակարգային դաստիարակչական խնդիրների լուծումը:

Օրինակ՝ խմբային աշխատանքի ժամանակ աշակերտները սովորում են ուշադրությամբ վերաբերվել միմյանց, միասին հաղթահարել դժվարությունները, միասին ձեռք բերել հաջողություններ, լսել միմյանց, նաև ընդօրինակել: Հասակակիցների խմբում աշակերտն ավելի ազատ է արտահայտում իր մտքերն ու դատողությունները, գործում է անկաշկանդ, ինչն էլ նպաստում է ուսուցման արդյունավետ կազմակերպմանը: Անհատական աշխատանքում դաստիարակվում է աշակերտների ինտելեկտուալ պատրաստականությունը դժվարությունները հաղթահարելու գործում, ձևավորվում են ինքնակազմակերպման և ինքնավերահսկման ընդունակություններ:

Դպրոցում աշակերտները գրականության ծրագրի շրջանակներում առնչվում են հազարամյակների կենսագրություն ունեցող հայկական քաղաքակրթությանը, նրա առաջացման ու զարգացման օրինաչափություններին, ձեռքբերումներին, ստեղծած արժեքներին և համամարդկային նվաճումներին, ինչպես նաև՝ այդ ճանապարհին հայ ժողովրդի կրած դժվարություններին ու կորուստներին: Գրականության շնորհիվ ձևավորվում է ազգային դիմագիծ, հայրենասեր ժողովուրդ և հայոց պետականության դերը համաշխարհային պատմության համատեքստում պատկերացնող, հայոց

ազգային և համամարդկային արժեհամակարգը կրող պատասխանատու անձ ու քաղաքացի:

Ժամանակակից դպրոցի կարևորագույն առաքելություններից է աշակերտի մեջ իր ազգին բնորոշ բարոյական և հոգևոր արժեքների ձևավորումն ու զարգացումը: Նրա խնդիրն է պահպանել և փոխանցել այն արժեքները, որոնք մեզ է հասել մեր նախնիներից, և որը մեր անխառն ինքնատիպությունն է համաշխարհային մշակույթի բազմերանգության ու բազմազանության մեջ:

21-րդ դարի դպրոցում դաստիարակության և կրթական գործընթացի համար անհրաժեշտ են և կարևոր բարձրարժեք ստեղծագործությունների ուսումնասիրումը և ուսուցումը: Այդ ստեղծագործություններում արտահայտված են մեր ժողովրդի հոգեկերտվածքը, աշխարհընկալումը, աշխարհըմբռնումը, մարդասիրական գաղափարներն ու գալիքի սպասելիքները: Հայ ժողովրդի ավանդույթներում է, որ վառ կերպով արտացոլված են մեր ազգի ազգային հավաքական ուժը, անդրդվելի կամքը, ներքին գործությունն ու հնարավորությունները, ապրելու, վերածնվելու և հարատևելու ունակությունը, ազգերի պատմության մեջ իր արժանի տեղն ունենալու ձգտումը: Այս ամենն է, որ անհրաժեշտ է ավանդել ժամանակակից սերնդին: Այդպես նա պիտի հասնի այն գիտակցության, որ հասարակական կյանքի առաջընթացը պայմանավորված է համախմբվածությամբ, գիտելիքների համապատասխան կիրառման մակարդակով ու մշակութային արժեքների ոչ միայն ստեղծմամբ, այլև պահպանմամբ: Մերունդ, որը կկարողանա շարունակել ազգային լավագույն ավանդույթները, ձեռքբերումները, աշխարհին ու մարդկությանը ցույց տալ իր մշակութային հարստությունն ու արժեքները:

Հայ գրականության իմացությունն առավելագույնս նպաստում է ազգային արժեքային համակարգի ձևավորմանը, հնարավորություն տալիս իրականացնելու մեր ցանկությունները, երազանքները, ձևավորելու ու պահպանելու հայի կերպարը:

Հայ գրականության իմացությունը հնարավորություն կտա Հայաստանի Հանրապետության ապագա քաղաքացուն ուսումնառության ընթացքում ձեռք բերած գիտելիքներն ու ճանաչողական հմտությունները, ազգային-պետական մտածողությունը, հայոց քաղաքակրթության դարավոր ավանդույթները, փորձը և անցյալի դասերը լավագույնս ծառայեցնել հայրենիքին, պատկերացում կազմել

համաշխարհային պատմության մեջ Հայաստանի և հայ ժողովրդի զբաղեցրած տեղի ու դերի մասին: Հենց այս պատճառով է, որ կրթության զենքը և գլխավոր իմաստը պետք է դառնա արժեհամակարգի ձևավորումը:

Մայրենիի և գրականության դասավանդման ժամանակ աշակերտները ծանոթանում են նշանավոր գրողների գործերին:Նրանց մոտ ձևավորվում է հատուկ վերաբերմունք դեպի համամարդկային արժեքները՝ սեր, բարություն, ռազմահայրենասիրություն, մշակութային արժեքներ, գեղագիտական արժեքներ, ազնվություն, ճշմարտախոսություն, կամք, քաջություն, ազատություն և այլ արժեքներ: Դիտարկենք մի քանիսը:

<p>Հեքիաթներ, 5-րդ դաս. Առակներ</p>	<p>Հայրենասիրություն,բարություն, աշխատասիրություն, ծնողասիրություն,անշահախնդրություն, ընկերասիրություն,ազնվություն, համեստություն,քաղաքավարություն, առատաձեռնություն,երախտագիտության զգացում, հավատարմություն</p>
<p>«Իմ տատը» /հատված Գ. Մահարու «Մանկություն» վեպից/, 6-րդ դաս.</p>	<p>Սեր և հոգատարություն, անձնվիրություն, հարգանք մեծերի նկատմամբ</p>
<p>Ստ. Զորյան «Պապն ու թոռը», 6-րդ դաս.</p>	<p>Սեր, հոգատարություն, մարդկային ջերմ հարաբերություններ,սեր բնության նկատմամբ, գեղեցիկը տեսնելու և զգալու զգացողություն</p>

<p>Լեոնարդո դա Վինչի «Որդիական երախտագիտություն», 6-դաս.</p>	<p>Սեր, ուշադրություն, երախտագիտության զգացում, հոգատարություն, աշխատասիրություն, աշխատանքը բաժանելու և միասին կատարելու կարողություն</p>
<p>Հայկ և Բել /ըստ Մովսես Խորենացու/, 6-րդ դաս</p>	<p>Հայրենասիրություն, նախնիների ճանաչում, քաջություն, ուշիմություն ազատասիրություն,</p>
<p>Մուշեղ Գալշոյան «Կռունկ», 6-րդ դաս.</p>	<p>Հայրենասիրություն, կարոտ հայրենի երկրի, տան նկատմամբ, սեր հայրենի երգերի նկատմամբ, աշխատասիրություն, հոգատարություն, բնության և մարդու կապ</p>
<p>Եղ. Չարենց «Ես իմ անուշ Հայաստանի», 7-րդ դաս.</p>	<p>Սեր առ հայրենիք, սեր առ ազգային մշակույթ և լեզու</p>
<p>Դերենիկ Դեմիրճյան «Ավելորդը», 7-րդ դաս.</p>	<p>Գթասրտություն, մարդկային կյանքի արժևորում, սեր և հոգատարություն հարազատի նկատմամբ, խղճի զգացում, սխալը հասկանալու գիտակցում</p>
<p>Հրանտ Մաթևոսյան «Կանաչ դաշտը», 7-րդ դաս.</p>	<p>Բնության գեղեցկության զգացում, մայրական սեր, անձնագոհություն, պայքարի գիտակցում, սեր կենդանիների նկատմամբ, բնության պահպանություն</p>
<p>«Սասունցի Դավիթ» էպոսը, 9-րդ դաս.</p>	<p>Հայրենասիրություն, մարդասիրություն, ազատասիրություն, արդարամտություն, քաջություն,</p>

	պատվասիրություն, խաղաղասիրություն, մեծահոգություն, լավատեսություն, նվիրվածություն, սեր հայրենիքի, հայրենի բնաշխարհի և ընտանիքի նկատմամբ
--	--

Ուսուցիչը դպրոցականի հոգևոր աշխարհը կերտողն է, գեղեցիկի զգացողության մշակողն ու ներարկողը: Նա է զարգացնում գեղեցիկի զգացումը, ձևավորում առողջ գեղագիտական ճաշակ, արվեստի ստեղծագործությունները, հայրենի բնության գեղեցկությունն ու հարստությունը ճիշտ ըմբռնելու և գնահատելու հմտություն:

Դասի պլան-1

Առարկան՝ մայրենի

Դասարանը՝ 6-րդ

Թեման՝ Ավ.Իսահակյանի «Արագածին» բանաստեղծությունը

Դասի տիպը՝ գիտելիքների ամրապնդման և ամփոփման դաս

Դասի նպատակը՝

- վեր հանել բանաստեղծության գաղափարը
- ձևավորել ճանաչողական կարողություններ
- հարստացնել բառապաշարը
- ձևավորել վերաբերմունք հայրենի եզերքի նկատմամբ
- սերմանել հայրենասիրություն և համերաշխություն

Վերջնարդյունքներ՝

Աշակերտը կկարողանա՝

- արտահայտիչ արտասանել բանաստեղծությունը
- վերլուծել բանաստեղծությունը՝ վեր հանելով հիմնական գաղափարը
- ճանաչել և գնահատել հայրենի բնաշխարհը, ներկայացնել տեղեկություններ Արագածի մասին
- կատարել բառային և տեքստային աշխատանք

Դիդակտիկ նյութեր՝ Ավ.Բսահակյանի դիմանկարը,Արագած լեռան նկարներ,
քարտեզ, գրքեր

Դասի ընթացքը՝

ա/ Կազմակերպչական մաս

բ/ Խթանման փուլ

Տեղեկություններ, ասույթներ Ավ. Բսահակյանի մասին:

Տեղեկություններ Արագած լեռան մասին:

գ/Իմաստի ընկալման փուլ

Կարդալ «Արագածին» բանաստեղծությունը, տուն առ տուն վերլուծել, բացատրել
կարմիր գրված բառերի իմաստը,առանձնացնել փոխաբերական իմաստով
գործածված բառերն ու բառակապակցությունները:

Արտահայտիչ արտասանել անգիր:

Արտասանել այլ բանաստեղծություններ, պատմել ավանդություններ հայոց լեռների
մասին:

Խոսել 2005 թվականին կազմակերպված միասնության շուրջպարի մասին:

Երգ՝ «Միասնության շուրջպար»

դ/Կշռադատման փուլ

Ամփոփում/ քառաբաժան/

ե/Տնային հանձնարարություն՝ գրել շարադրություն՝ «Իմ Արագած» վերնագրով:

զ/Անդրադարձ

Միջառարկայական կապեր՝

աշխարհագրություն, նկարչություն, երաժշտություն

Խաչվող հասկացություններ՝

1. օրինաչափություն

2. կառուցվածք և գործառույթ

3. անհատական և մշակութային արժեհամակարգ

Կապը ՀՊԶ-ի հետ՝

Հ10-1,10-2, 10-8, 10-25, 10-31

Դասի պլան-2

Առարկան՝ գրականություն

Դասարանը՝ 7-րդ

Թեման՝ Հրանտ Մաթևոսյանի «Կանաչ դաշտը» պատմվածքը

Դասի տիպը՝ նոր նյութի հաղորդման

Դասի նպատակը՝

- ծանոթացնել պատմածքին
- հարստացնել բառապաշարը
- ձևավորել վերաբերմունք հայրենի բնության, կենդանիների նկատմամբ
- զարգացնել բնության գեղեցկությունները տեսնելու, պահպանելու կարողություններ
- արթնացնել սեր կենդանիների նկատմամբ
- ցույց տալ մայրական սիրո արտահայտությունը կենդանիների մոտ

Վերջնարդյունքներ՝

Աշակերտը կկարողանա՝

- ուսումնասանելի և մեկնաբանել պատմվածքի հատվածները՝ ուշադրություն դարձնելով գործողությունների զարգացմանը
- վեր հանել հիմնական գաղափարը
- դիտարկել պատմվածքն իբրև ժանր
- կատարել բառային և տեքստային աշխատանք

Դիդակտիկ նյութեր՝ Հրանտ Մաթևոսյանի դիմանկարը, կենդանիների նկարներ, ասույթներ՝ մայրական սիրո և անձնագոհության մասին

Դասի ընթացքը՝

ա/ Կազմակերպչական մաս

բ/Խթանման փուլ

Աշակերտները, նայելով դասագրքի նկարին, կասեն՝ էթե հայտնվեին այդպիսի դաշտում, ինչ կնկատեին առաջինը և ինչ զգացողություններ կունենային:

Կթվարկեն կենդանիների անուններ, Վենի դիագրամով կհամեմատեն գայլին և ձիուն:

գ/Իմաստի ընկալման փուլ

Ուղղորդված ընթերցանությամբ կձանոթանան պատմվածքին /Ի՞նչ եղավ հետո:
Ինչո՞ւ եմ այդպես կարծում/:

Ընթացքում կբացատրվեն անձանոթ բառերը, կառանձնացվեն տողեր:

դ/Կշռադատման փուլ

Վեր հանել հիմնական գաղափարը:

ե/Տնային հանձնարարություն՝ կարդալ պատմվածքը, առանձնացնել
պատկերավորման միջոցները:

զ/Անդրադարձ

Միջառարկայական կապեր՝ հայոց լեզու, կենսաբանություն, արվեստ

Խաչվող հասկացություններ՝

1. պատճառ և հետևանք
2. կառուցվածք և գործառույթ
3. ժամանակ և տարածություն
4. անհատական և մշակութային արժեհամակարգ

Կապը ՀՊԶ-ի հետ՝

Հ10-1, 10-2, 10-8, 10-31, 10-34

Եզրակացություն

Տո՛ւ՛ր այսօրվա երիտասարդությանը
գեղեցիկի, լուսավորի ու վսեմի օրինակներ, վաղը
նրա շնորհիվ մենք կունենանք մեր երագած
հայրենիքը:

Գարեգին Նժդեհ

Մարդու աշխարհին արժեքների համակարգ է՝ կազմված բարու և չարի,
ճշմարտության և կեղծիքի, գեղեցիկի և սգեղի, վեհի և ստորի, ուժեղի և թույլի ու
բազմաթիվ այլ երևույթների վերաբերյալ նրա պատկերացումներից: Իր ողջ կյանքի

ընթացքում մարդն առանձնացնում է առաջնայինը և երկրորդականը, կարևորը և ոչ կարևորը: Այդպես նա գնահատում է աշխարհում գոյություն ունեցող դեպքերը՝ դրանով իսկ ձևավորելով իր արժեքային համակարգը, որը ոչ միայն իմաստ և նշանակություն է տալիս, այլ որոշում է նրա գործողություններն ու վարքը: Ահա թե ինչու է կարևոր արժեհամակարգի ձևավորումը:

Գրականության դասավանդման նպատակը, բացի սովորողներին զուտ գրական երևույթներին ծանոթացնելուց, անհատին հոգևոր ու մտավոր զարգացմանը, անձի արժեքային համակարգի ձևավորմանը նպաստելն է, որի իրականացման համար անհրաժեշտ է սովորողներին հաղորդակից դարձնել հայ ժողովրդի հոգևոր ժառանգությանը, ազգային ու համամարդկային իդեալներին ու ձգտումներին, գրական հերոսների օրինակով և գրական երկերի գաղափարագեղարվեստական հարստության օգտագործումով նրանց մեջ դաստիարակել մարդասիրական ոգի, բարոյական բարձր հատկություններ՝ բարություն, ընկերասիրություն, պատվախնդրություն, պատասխանատվություն, հաստատակամություն, բարեխղճություն և այլ հատկանիշներ:

Ազգային արժեքներն ու մշակույթը պիտի պահպանվեն, գնահատվեն, փոխանցվեն սերնդեսերունդ, որպեսզի ապրի հայը, սիրի իր երկիրը և պայքարի հայրենիքի համար: Ազգային արժեհամակարգով ձևավորված սերունդը կունենա արժանապատիվ ապագա:

Օգտագործված գրականություն

1. Ա. Գևորգյան, Ազգային կրթության դերն ու նշանակությունը սովորողների հայեցի դաստիարակության գործընթացում, Երևան 2002թ.
- 2.Ա. Սարգսյան, Համամարդկային և ազգային արժեքները սոցիալական տարբեր ինստիտուտներում, ԵՊՀ,2019
3. Մայրենի 5-6 /մեթոդական ձեռնարկ/ Գ. Մկրտչյան, Ն. Տոդանյան, Երևան 2009
4. Մայրենի 6 /դասագիրք/, Դ. Գյուրջիյան, Թ. Ալեքսանյան, Ա.Գալստյան, Երևան 2020
5. Գրականություն 7 /դասագիրք/, Ա. Նիկողոսյան, Ա. Վարդանյան, Երևան 2023
6. Գրականություն 7 /մեթոդական ուղեցույց/, Ա. Նիկողոսյան, Ա. Վարդանյան, Երևան 2023